

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-15-Z/17

Kakanj, 28.12.2017. godine

Z A P I S N I K

sa 15. redovne sjednice Općinskog vijeća održane 28.12.2017. godine (četvrtak) u velikoj sali za sastanke Općinskog vijeća sa početkom u 9:00 sati (sažetak zapisnika)

Nakon intoniranja himne Bosne i Hercegovine, 15. sjednicu Općinskog vijeća otvorio je Slaven Katičić, predsjedavajući Općinskog vijeća, i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić, Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Izudin Hrusto, Haris Veispahić, Amar Selimović i Safet Šahman **(SDA)**

Semir Mušija, Rizah Haračić, Mirnes Merdić i Mugdin Gorak **(SBB BiH)**

Mirsad Tursum, Rešad Merdić, Fahrudin Buza, Adisa Škulj i Zerina Kovač **(S BiH)**

Enes Piljug, Eldin Mijoč i Ahmed Begić **(SDP BiH)**

Nusret Muslić i Sedmedin Amidić **(DF)**

Slaven Katičić i Ivica Petrović **(HDZ BiH)**

Elvedin Delić **(A-SDA)**

Mujo Fafulić – **nezavisni kandidat iz reda nacionalnih manjina.**

Odsutni vijećnici: Adnan Ibrahimspahić **(SDA)**

Predsjedavajući je konstatirao da je na sjednici u momentu prijave prisutno 29 vijećnika i vijećnica te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

Nermin Mandra, općinski načelnik

Ferdo Mijač, sekretar Općinskog vijeća

Mirza Fazlić, pomoćnik općinskog načelnika za privredu, urbanizam i zaštitu okoline

Džihad Berbić, pomoćnik općinskog načelnika za finansije

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Enver Kusić, sekretar organa uprave

Zijad Neimarlija, direktor Zavoda za planiranje i izgradnju općine Kakanj

Nurudin Hrusto – pomoćnik općinskog načelnika za civilnu zaštitu

Bahrudin Arnaut – pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice – po ovlaštenju

Izviestioči, obrađivači, gosti

Helmina Murtić – direktorica JU za predškolski odgoj i obrazovanje „Mladost“ Kakanj

Mirsada Čaluk – predsjednica UO JU za predškolski odgoj i obrazovanje „Mladost“ Kakanj

Sanda Bloudek- član UO JU za predškolski odgoj i obrazovanje „Mladost“ Kakanj

Mirnes Bajtarević – direktor JP „Grijanje“ d.o.o. Kakanj

Samir Kulović- predsjednik Komisije za izradu nacrtu odluke o izgradnji, upravljanju, korištenju, zaštiti i održavanju mjesnih vodovoda na području općine Kakanj

Mehmedalija Velispahić- predsjednik UO JU Centar za socijalni rad Kakanj

Predstavnici medija:

NTV IC Kakanj

„Naša riječ“

„Kaportal“

Radio Kakanj

„Kakanjlive“

„Klix portal“

„Kakanjske novine“

„Kakanj-x“

Kratka saopćenja o radu sjednice i prethodnim pitanjima:

Kolegij Općinskog vijeća je 20.12.2017.godine održao 14. sjednicu na kojoj je razmatrao:

- a) Prijedlog okvirnog programa rada Općinskog vijeća za 2018.godinu
- b) Zahtjev Sindikalnog odbora JP Vodokom d.o.o. Kakanj za sazivanje sastanka u vezi donošenja pravilnika o radu u skladu sa kolektivnim ugovorom
- c) Zahtjev mjesne podružnice Bijele Vode u vezi dodjele koncesije RMU Kakanj
- d) Zahtjev MZ Zagrađe, podružnica Halinovići, za pomoć u sanaciji puta od Zagrađa do Halinovića
- e) Molba MZ Dubovo Brdo za pomoć u realizaciji projekta kanalizacije
- f) Zahtjev MZ Čatići za izgradnju trotoara
- g) Molba Udruženja potrošača općine Kakanj „Potrošač“ Kakanj za finansijsku podršku iz budžeta Općine
- h) Amandman MZ Bijele vode na Nacrt budžeta Općine Kakanj za 2018.godinu
- i) Amandman MZ Kakanj -2 na Nacrt budžeta Općine Kakanj za 2018.godinu
- j) Amandman MZ Zagrađe na budžet Općine Kakanj za 2018.godinu
- k) Amandman MZ Zagrađe – podružnica Semetiš na Nacrt budžeta Općine Kakanj za 2018.godinu
- l) Inicijativa Grupe za podršku i zaštitu djece i mladih općine Kakanj

Kolegij je prijedlog okvirnog programa rada Općinskog vijeća za 2018.godinu uputio u dalju proceduru – na razmatranje i usvajanje Općinskom vijeću.

U vezi zahtjeva Sindikalnog odbora JP „Vodokom“ d.o.o. Kakanj za sazivanje sastanka u vezi donošenja pravilnika o radu u skladu s Kolektivnim ugovorom Kolegij je primio k znanju navedeno i sugerirao Sindikatu da nastavi pregovaranje sa upravom.

Ostali zahtjevi, molbe i amandmani su primljeni k znanju i proslijeđeni nadležnim službama na dalje postupanje. Inicijativa Grupe za podršku i zaštitu djece i mladih općine Kakanj je proslijeđena JU Centar za socijalni rad Kakanj.

Usvajanje zapisnika sa 14. sjednice Općinskog vijeća

Predsjedavajući je zapisnik sa 14. sjednice Općinskog vijeća stavio na razmatranje i, pošto nije bilo prijavljenih za raspravu, zapisnik je usvojen jednoglasno sa 27 glasova za.

Komentari na dostavljene odgovore na vijećnička pitanja:

Rizah Haračić: je rekao da je na 14. Sjednici OV postavio dva vijećnička pitanja, na pitanje koje se

odnosi vodosnabdijevanja u O.Š u Ričici nije dobio odgovor, s toga ponavlja isto pitanje. Na drugo vijećničko pitanje u vezi sa spaljivanjem guma u TC Kakanj i da li je sprovedana javna rasprava izražava nezadovoljstvo odgovorom te ponavio da bi konkretan odgovor prihvatio i usmeno, ako ima iko od nadležnih da mu odgovori.

Enes Piljug: je rekao da je na 14. Sjednici OV postavio dva vijećnička pitanja, na prvo vijećničko pitanje u vezi postavljanja kontejnera uz sliv rijeke Ribnice i Žuče nije dobio odgovor, te je isto ponovio.

Komentari na dostavljene odgovore na vijećničke inicijative:

Safet Šahman: je izrazio zadovoljstvo za odgovor koji je dobio od nadležne Službe na vijećničku inicijativu u vezi pregleda i sanacije puta na relaciji Podborje- Kamenolom (Trgošped).

Rizah Haračić: je rekao da nije zadovoljan odgovorom koji je dobio od nadležne Službe za podnesenu vijećničku inicijativu o provođenju javne rasprave u vezi spaljivanja guma u TC Kakanj.

Vijećnička pitanja:

Jasmin Mušanović: je postavio vijećničko pitanje u vezi podataka o prosjeku godina života umrlih osoba u Kaknju.

Ahmed Begić: je postavio vijećničko pitanje u vezi bezbjednosti mosta na regionalnoj cesti R445 u naselju Doboju.

Enes Piljug: je postavio dva vijećnička pitanja, u vezi dostavljanja podataka o pokrenutim vijećničkim inicijativama u 2017. Godini u vezi vraćanja starog displeja na prvobitnu lokaciju. Također je ponovio vijećničko pitanje s predhodne sjednice OV na koje nije dobio odgovor u vezi postavljanja kontejnera uz sliv rijeke Ribnice i Žuče.

Rizah Haračić: je postavio vijećničko pitanje u vezi divljih deponija u prigradskim naseljima općine Kakanj tačnije MZ Bičer. Također je ponovio vijećničko pitanje sa predhodne sjednice, na koje nije dobio odgovor, u vezi vodosnabdijevanja područne škole u Ričici.

Amar Selimović: je postavio pitanje u vezi spaljivanja lijekova i medicinskog otpada u TC Kakanj.

Vijećničke inicijative:

Senad Alajbegović: je uputio dvije vijećničke inicijative, u vezi sa sanacijom klizišta na putnom pravcu Kakanj-Donji Kakanj i izgradnji trotoara i ulične rasvjete od naseljenog mjesta Karalusko polje do naseljenog mjesta Donji Kakanj.

Adisa Škulj: je uputila vijećničku inicijativu u vezi popravke drvenog mosta u blizini područne škole Krševac prema selu Varalići.

Sedmedin Amidić: je uputio vijećničku inicijativu da se u Ulici ZPO kod JU „Mladost“ izvrši asfaltiranje i uređenje kružnog toka.

Nusret Muslić: je podnio vijećničku inicijativu za zjednički sastanak između predstavnika Općine Kakanj i Općine Vareš.

Jasmin Mušanović: je uputio vijećničku inicijativu nadležnim institucijama u vezi upražnjavanja vjerskih potreba učenika osnovnih i srednjih škola, tačnije džuma-namaza.

Enes Piljug: je pokrenuo dvije vijećničke inicijative, u vezi rekonstrukcije putne komunikacije Kakanj-Kučići i asfaltiranje putne komunikacije od trščanskog greblja do rasrsnice na Makljenu.

Rizah Haračić: je podnio dvije vijećničke inicijative, u vezi organizovanja javne rasprave na temu „Zagađenost u Općini Kakanj“ i na dostavljanje izvještaja glasanja sa sjednica OV u elektronskoj verziji na e-mail svim vijećnicima.

Ahmed Begić: je podnio dvije vijećničke inicijative, u vezi izgradnje staze za sankanje na izletištu Ponijeri, a druga vijećnička inicijativa se tiče pravljenja reportažne emisije o pravilnom ponašanju učesnika u saobraćaju.

Utvrđivanje dnevnog reda

Pošto dnevni red nije usaglašen na sjednici Kolegija 20.12.2017.godine, za današnju sjednicu je predložen dnevni red po materijalima koji su pristigli u Stručnu službu za poslove Općinskog vijeća do slanja poziva za sjednicu. Na intervenciju obrađivača Službe za finansije, prijedlog odluke o utvrđivanju osnovice i boda za obračun plaće će se razmatrati prije prijedloga budžeta. Također, u Stručnu službu za poslove Općinskog vijeća su pristigla još dva materijala: Prijedlog odluke o davanju saglasnosti za finansiranje sportske dvorane u Kaknju i Izvještaj o radu Komisije za provođenje postupka javne prodaje – licitacije poslovnih prostora i garaža u vlasništvu Općine Kakanj sa prijedlogom zaključka o utvrđivanju visine naknade za članove Komisije. Predsjedavajući Općinskog vijeća je predložio izmjenu redoslijeda tačaka dnevnog reda Prijedlog odluke o davanju saglasnosti za finansiranje sportske dvorane u Kaknju da se stavi pod redni broj 5., a Izvještaj o radu Komisije tačka 17.

U raspravi o dnevnom redu su učestvovali: Haris Veispahić, Nusret Muslić

Haris Veispahić: je rekao da je klub SDA stava da dodatni materijal uvažava za dnevni red, a predlaže da se sa postojećeg dnevnog reda tačka 15. Prijedlog rješenja o utvrđivanju prava vlasništva Haračić Emina skine s dnevnog reda. Obrazloženje je uputio kroz pitanja nadležnoj Službi, a to su: Da li Općina Kakanj ima registar komunalne infrastrukture? Drugo pitanje je postavljeno u vezi saglasnosti JP „Grijanje“ da li nadležna Služba ima istu, te navodi da klub SDA prije izjašnjavanja o dnevnom redu traži odgovore i dodatno usmeno pojašnjenje.

Nurudin Hrusto: je rekao da je Služba za urbanizam dostavila mišljenje u vezi navedenog prijedloga, te da detaljnije odgovore će proslijediti pomoćnik načelnika za urbanizam i poduzetništvo, Mirza Fazlić.

Mirza Fazlić: je rekao kada je u pitanju davanje stručnog mišljenja na dijelu gdje je donesen regulacioni plan daje se lokacijska informacija. U izradi regulacionog plana sva javna preduzeća su u elektronskoj formi dostavila svoje instalacije koje su unesene u regulacioni plan u kartu instalacija. Katastar instalacija postoji i s tim u vezi nije potrebna dodatna saglasnosti daje saglasnost da se ponovo ispita stvarno stanje na terenu zbog eventualnih promjena.

Nusret Muslić: je rekao da predlaže da tačku 5. dnevnog reda, Prijedlog odluke o davanju prethodne saglasnosti za dodjelu koncesije privrednom subjektu JP „Elektroprivreda BiH“ ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj povuče sa ove sjednice, obzirom na rok koji je dostavljen te da se vandredno održi sjednica povodom ove tačke.

Predsjedavajući je prvi prijedlog stavio na glasanje i nakon glasanja konstatirao da je dnevni red usvojen sa 23 glasova za, 5 protiv i bez glasova uzdržanih, a od drugog prijedloga izmjene dnevnog reda Nusret Muslić je odustao.

Usvojeni dnevni red:

1. Prijedlog odluke o utvrđivanju osnovice i boda za obračun plate zaposlenika u jedinstvenom organu uprave Općine Kakanj za budžetsku 2018.godinu
2. Prijedlog Budžeta Općine Kakanj za 2018.godinu

3. Prijedlog odluke o izvršavanju Budžeta Općine Kakanj za 2018.godinu
4. Prijedlog odluke o davanju saglasnosti za finansiranje sportske dvorane u Kaknju
5. Prijedlog okvirnog programa rada Općinskog vijeća za 2018.godinu
6. Prijedlog odluke o davanju prethodne saglasnosti za dodjelu koncesije privrednom subjektu JP „Elektroprivreda BiH“ ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj
7. Prijedlog odluke o vrijednosti boda naknade za korištenje gradskog građevinskog zemljišta u 2018.godini
8. Prijedlog odluke o vrijednosti boda komunalne naknade u 2018.godini
9. Prijedlog odluke o izmjenama i dopunama Odluke o stipendiranju učenika sa područja općine Kakanj
10. Prijedlog odluke o izmjenama i dopunama Odluke o stipendiranju studenata sa područja općine Kakanj
11. Nacrt odluke o izgradnji, upravljanju, korištenju, zaštiti i održavanju mjesnih vodovoda na području općine Kakanj
12. Prijedlog odluke o davanju saglasnosti na Pravilnika o formiranju cijena usluga u JU za predškolski odgoj i obrazovanje Mladost Kakanj
13. Prijedlog odluke o davanju saglasnosti na Pravilnik o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj
14. Prijedlog odluke o davanju saglasnosti za imenovanje direktora JU Centar za socijalni rad Kakanj
15. Prijedlog rješenja o utvrđivanju prava vlasništva u korist Alajbegović Salema i Mujanović Amera iz Kaknja
16. Izveštaj o radu Komisije za provođenje javnog nadmetanja – licitacije pri prodaji nekretnina – poslovnih prostora i garaža u vlasništvu Općine Kakanj sa prijedlogom zaključka o utvrđivanju visine naknade članovima Komisije

Tačka 1.

Prijedlog odluke o utvrđivanju osnovice i boda za obračun plate zaposlenika u jedinstvenom organu uprave Općine Kakanj za budžetsku 2018.godine.

Predlagač: općinski načelnik,

Obrađivač: Služba za finansije,

Izjavitelj: Džihad Berbić, pomoćnik općinskog načelnika

Džihad Bebić: je rekao da je usvajanjem Nacrta Budžeta Općine Kakanj naveden kao preduslov za obračun plate da Općinsko vijeće donese odluku o izmjenama izvršenja Budžeta, kao što je u martu 2017.godine donesena Odluka da je osnovica za obračun plate 315 KM, a vrijednost boda 1.00, koji je primjenjivan tokom 2017.godine. Zatim je dodao da je uslov za donošenje odluke postizanje saglasnosti između općinskog načelnika i Sindikata o novoj osnovici koja bi se primjenjivala za narednu godinu, a ukoliko ne dođe do usaglašenja, ista osnovica se može primjenjivati još tri mjeseca iduće budžetske godine. Što se tiče plate, objasnio je da se navedena osnovica primjenjuje od 2013.godine jer je tada plata smanjena 10%, tako da budžetski korisnici imaju manju platu već 8-9 godina. Kolektivni ugovor za organe upravljanja propisuje najnižu platu koju može dobiti NK radnik, sa koeficijentom 1,85 i zakonom je propisano da najniža plata ne može biti manja od 70 % prosječne plate u Federaciji. Naveo je i podatak da najniža plata iznosi 861 KM i da bi se uskladile plate u Općini sa tim prosjekom, potrebno je da se izvrši povećanje plate za 3,5 %, što bi na najnižu platu iznosilo 20 KM više, a na godišnjem nivou povećanje plata bi iznosilo oko 130.000 KM Također je rekao da se odluka ne može donijeti jer nije postignuta saglasnost i ukoliko se ne uzmu u obzir navedeni elementi, do daljnjeg će se primjenjivati postojeća osnovica.

Ivica Petrović: je upitao izvjestioca šta je predložio i dodao da je njegova plata prije 10 godina bila veća za 150 KM. Zatim je upitao o iznosu satnice u Općini Kakanj i kako se može isplaćivati plata ako je manja od 70 % prosječne plate te zašto se naglašava povećanje 3,5 %? Također je naveo

činjenicu da su plate bile veće kada je Budžet bio 10 miliona KM a sada kada je Budžet preko 20 miliona plate su znatno manje i tražio je da se vrati nekadašnji iznosi plata. Dodao je i da je osnovica u Tuzlanskom kantonu od januara 2018.godine 404 KM, a najniža satnica bi trebala biti 2,31 KM.

Rizah Haračić: je rekao da je na prethodnim sjednicama, kada je bilo rasprave o kolektivnim ugovorima JP i Općine Kakanj, govorio da treba izjednačiti plate i sada je istog stava jer su plate u JP znatno manje od plate u općini. Naveo je da Sindikat daje saglasnost na korekcionu faktor i da je to uobičajeni način isplate plata, a u ovom slučaju ako ne bude postignuta saglasnost povećanje plata je moguće uz opciju razmatranja plata u JP i JU jer su tamo plate već sada manje za oko 30%. Rekao je kako nije ni vrijeme ni mjesto za ovu temu i da bi trebalo ozbiljnije o tome pričati i predložio pauzu kako bi se neke stvari dogovorile.

Ivica Petrović(replika): sugerisao je da se trenutno raspravlja o Budžetu a ne o Vodokomu dodajući da nema ništa protiv povećanja plata u tom JP i ostalim.

Haris Veispahić: je rekao da smatra da se o ovom pitanju trebaju dogovoriti načelnik i Sindikat i da klub SDA nije raspravljao na svom sastanku o ovoj tački dnevnog reda jer su očekivali povlačenje iste. Također je naglasio da govori u svoje ime, a ne u ime kluba te upitao zašto se Sindikat nije izjasnio o ovome jer se radi o pravima radnika.Što se tiče korekcije plata u Općini, rekao je da se o tome može raspravljati ali da je prioriternija tema iznos plata u JP i JU čiji je osnivač Općina Kakanj zbog obima poslova u tim preduzećima. Dalje je naveo da se trend smanjenja plata treba zaustaviti te da se radnicima trebaju povećati privilegije, odnosno vratiti plate kakve su bile prije a da se izabranim dužnosnicima plate trebaju smanjiti. Dodao je i da su vijećnički paušali smanjeni nekoliko puta i da sada imaju pristojan iznos te da povećanje istog ne treba biti sljedeća tema. Rekao je da se trebaju slijediti zakonske odredbe u ovom pitanju i ako neke stvari nisu u skladu sa zakonom da se izjednače, ali da se izbjegne neko drastičnije povećanje plata čime bi se pokrenule teme za povećanjem plata u JU i JP, nadzornim odborima i slično. Na kraju je istakao povećan iznos Budžeta Općine Kakanj u odnosu na ranije čime je ova Općina među razvijenim po budžetskom potencijalu.

Općinski načelnik: je rekao da je očekivao ovakav tok razgovora i da priča o usaglašavanju nije vrijedna ove teme što je razlog nausaglašenja sa Sindikatom te da povećanje plata 20 KM nije toliko važno da se zarad tog iznosa otvara neka tema. Zatim je istakao da se radi o usaglašavanju plata jer je prije par godina bilo smanjenja vijećničkog paušala, plata, limitiranja plata direktora JP ali da se vremenom stvari popravljaju i da su povećanje Budžeta osjetili svi stanovnici Kakanja, a posebno JP i JU čije se funkcionisanje stabilizovalo, zatim studenti i đaci. Također je rekao da on nije protiv korekcije plata za navedeni iznos ali da jeste protiv otvaranja tema o tako mizernom iznosu. Rekao je i da je trebalo svako 2- 3 godine pratiti prosječan iznos plata u vršiti postepeno usklađivanje dodajući da se ekonomska situacija popravja kada se uzme u obzir iznos prosječne plata.

Slaven Katičić: je rekao da su zakonske odredbe nametnule potrebu za korekcijom plata i vraćanjem stanja kakvo je bilo prije deset godina. Istakao je da kada su donesene Odluke o smanjenju plata umanjena su sredstva za mirovinski fond kao i zdravstveni fond. Istakao je da bi povećanje plata imalo pozitivan uticaj prije svega na radnike sa nižim platama. Spomenuo je i novi Zakon o PIO-u koji će imati odraza na dosta niže penzije u odnosu na ranije. Istakao je i da se u javnosti ovakve stvari različito shvataju, ali da je vrijeme da se izvrši usklađivanje s obzirom na standarde života.

Sedmedin Amidić: je prije svega istakao da osobe sa nižom platom uvijek osjete i povećanje i smanjenje plata dok oni sa većim primanjima ne osjete to u istoj mjeri i dodao da se u ovom vremenu krize ne može pričati o povećanju plata ali da se slaže da se izvrši neophodno usaglašavanje.

Semir Mušija: je izrazio nejasnoću oko načina obračuna plata uz prijedlog da se to vrši na način: satnica x koeficijent x sat jer je to jednostavniji način. Zatim je objasnio da se ovdje ne radi o

povećanju plate nego o usaglašavanju sa zakonskim odredbama što bi trebalo ispoštovati kako ne bi došlo do tužbi protiv Općine čime bi došlo do većih troškova.

Sidik Bečić: je kao predsjednik Sindikata rekao da se u ovom slučaju traži usaglašavanje sa zakonskim minimumom što se tiče iznosa plata i naglasio da se ne radi o povećanju.

Predsjedavajući je predložio pauzu u trajanju od 10' prije izjašnjenja o predloženoj tački dnevnog reda.

Nakon pauze, predsjedavajući Općinskog vijeća je rekao da u toku pauze nije pronađen način za rješavanje ove problematike i predložio zaključak o usaglašavanju općinskog načelnika i Sindikata u vezi utvrđivanja boda i osnovice za obračun plate zaposlenika u jedinstvenom organu uprave Općine Kakanj za budžetsku 2018.godinu i uskladi iznose plaća sa zakonom i drugim pozitivnim propisima.

Predsjedavajući je stavio prijedlog odluke o utvrđivanju osnovice i boda za obračun plate zaposlenika u jedinstvenom organu uprave Općine Kakanj za budžetsku 2018.godinu na glasanje, nakon čega isti nije usvojen.

Predloženi zaključak o ovlaštenju općinskog načelnika za usaglašavanje sa Sindikatom u vezi utvrđivanja boda i osnovice za obračun plate zaposlenika u jedinstvenom organu uprave Općine Kakanj za budžetsku 2018.godinu i usklađenju iznosa plata sa zakonskim propisima je usvojen jednoglasno.

Tačka 2.

Prijedlog Budžeta Općine Kakanj za 2018.godinu

Tačka 3.

Prijedlog odluke o izvršavanju Budžeta Općine Kakanj za 2018.godinu

Predlagač: općinski načelnik,

Obrađivač: Služba za finansije,

Izvijestilac: Džihad Berbić, pomoćnik općinskog načelnika

Džihad Berbić: je rekao da je održana javna rasprava o prijedlogu Budžeta Općine Kakanj i da su u toku trajanja javne rasprave pristigli brojni amandmani te je naznačeno koji od njih su prihvaćeni te je dodao da je iznos predloženog Budžeta u Prijedlogu odluke veći u odnosu na Nacrt odluke Budžeta Općine Kakanj i naveo razlike u odnosu na Nacrt Budžeta kao što su: uvećani prihodi od prodaje objekata, primljeni grantovi, naknade od Termoelektrana. Zatim je dodao da su postojeće plate predviđenim Budžetom izračunate po trenutnoj osnovici.

Nusret Muslić: je rekao da je ispred kluba DF poslano 11 amandmana u toku trajanja javne rasprave ali da se uvidom u finansijsku konstrukciju ne vidi uvrštavanje istih. Zatim je istakao da se radi o slijedećim amandmanima: prijedlog za izdvajanje novčanih sredstava oboljelim građanima, stimulans za povećanje nataliteta, maturnalne večeri učenika osnovnih škola, postavljanje većih jarbola sa zastavom Bosne i Hercegovine kao i putna komunikacija prema Brnjicu i Tršču. Također je tražio pojašnjenje u vezi ugovora o djelu.

Rizah Haračić: je rekao da je iznos Budžeta ambiciozan te da su prihodi isti kao u Budžetu prošle godine. Zatim je istakao amandman u vezi sa zdravstvenim stanjem stanovništva i dodao da sredstva od Tvornice cementa Kakanj nisu u realnom iznosu te da se treba vršiti oporezivanje institucija koje prave velike i male kotlovnice zbog njihovog štetnog uticaja na zdravstveno stanje stanovništva. Također je rekao da, s obzirom na visok iznos Budžeta, treba realizovati proširenje grijanja u Kaknju, na MZ Bičer i Povezice radi smanjenja zagađenja što bi imalo pozitivan uticaj na zdravstveno stanje stanovništva.

Enes Piljug: je rekao da klub SDP-a podržava sve amandmane DF-a i mjesnih zajednica posebno naglašavajući amandman o kreditnom zaduženju za rješavanje putne komunikacije za Brnjicu i tražio da se svi izjasne o ovom amandmanu.

Jasmin Mušanović: je upitao da li je bilo propusta u pripremi Budžeta kada se radi o socijalnoj kategoriji, odnosno o Merhametu – javnoj kuhinji i predložio izdvajanje u iznosu od 50.000 KM za rad Javnih kuhinja na području općine Kakanj.

Haris Veispahić(replika): je upitao vijećnika Enesa Piljuga da li zna da amandmanom DF-a koje podržava, između ostalog je predloženo povlačenje tačke dnevnog reda u vezi davanja saglasnosti RMU Kakanj a da tim planovima nije planiran put za Brnjic za koji je tražio kreditno zaduženje.

Nusret Muslić(replika): je pojasnio da je tražio trenutno povlačenje sa dnevnog reda davanje saglasnosti RMU da bi se dalo vremena za usaglašavanje svih mjera između RMU Kakanj i Općine Kakanj.

Enes Piljug(replika): je objasnio da je tražio da se glasa o petom amandmanu DF-a i da se u izvještaju sa javne rasprave može vidjeti da se RMU Kakanj slaže sa putnom komunikacijom za Brnjic.

Sedmedin Amidić: je rekao da se klub DF-a slaže sa pristiglim amandmanima mjesnih zajednica i predložio da se isti uvrste u Budžet.

Rešad Merdić: je pohvalio visok iznos Budžeta i istakao povećanje u prihodima kao što je iznos za koncesije. Zatim je upitao zašto je rashodovni dio za pokreni svoj posao smanjen te istakao da važnost očuvanja postojećih preduzeća što će se rješavati kroz programe pomoći u njihovom radu.

Općinski načelnik: je rekao da smatra ambicioznim planirani iznos Budžeta i da se tu nalazi iznos od oko 1.500.000 KM prihoda od prošle godine koji nisu realizovani te da nije planirana sportska dvorana na Konzumu već drugi poslovni prostori. Također je rekao da su vršeni razgovori sa nekim firmama koje se bave proizvodnjom tekstila koje bi u poslovni prostor u tržnom centru mogli smjestiti veći broj radnika ali da se stalo sa pregovorima te da je to kapital Općine kojim se raspolaže do prodaje. Što se tiče sistema daljinskog grijanja rekao je da se to treba razmatrati na tematskoj sjednici a da se Budžetom planiraju sredstva za rekonstrukciju postojećeg sistema grijanja što je također važno. Dodao je da na tematskoj sjednici očekuje investicione planove za ostatak rekonstrukcije i da je jedino rješenje kreditno zaduženje. Rekao je da je namjenska sredstva bolje koristiti za rekonstrukciju postojećeg grijanja, povećanje komunalne higijene te ukidanje kotlovnica čime bi se riješila zaštita okoliša. Istakao je i da bi trebalo biti prijedloga rješenja na tematskoj sjednici i predložio da se ovaj amandman ostavi za tu sjednicu. Što se tiče kreditnog zaduženja za Brnjic rekao je da to pitanje još uvijek nije riješeno i da treba prije svega završiti započeto sa Tvornicom cementa i Trgošpedom, zatim definisati dionicu puta kroz eksploataciono područje do marta 2018.godine i dokumentaciju predati Kantonu koji će dalje biti nadležan za to pitanje. Naglasio je da se je odlukom Federacije taj dio puta regionalni i da se zbog toga treba što prije trasirati. Zatim je rekao da je iznos za javnu kuhinju planiran a za zaštitu okoliša će se sredstva rasporediti programima koji će biti na razmatranju na Vijeću.

Rizah Haračić(replika): je rekao da je u odgovorima na vijećnička pitanja i inicijative dobio pojašnjenje ekspertnog tima Općine Kakanj o proširenju daljinskog grijanja gdje je navedeno da su MZ Bičer i Povezice prioritete zbog velikog broja kotlovnica u tim MZ-a i njihovog štetnog uticaja na zdravlje stanovništva te predložio da se taj amandman uvrsti u ovogodišnji Budžet.

Džihad Berbić: je rekao da je u periodu od nacrtu Budžeta do prijedloga utvrđeno da će u Zavodu za planiranje i izgradnju Općine Kakanj za komunalne naknade biti prijenos sredstava u određenom iznosu te da se to dodaje u rashodovni dio.

Općinski načelnik: je rekao da je nesporno prioritarno daljinsko grijanje prema Povezicama ali da je rekonstrukcija postojećeg neophodna za dalje funkcionisanje. Zatim je dodao da se od JP Grijanje Kakanj očekuje investicioni ciklus za proširenje daljinskog grijanja sa objašnjenjima gdje treba uraditi rekonstrukciju te uz navođenje prioritarnih MZ-a te da bi radovi mogli početi u narednoj godini ako se usvoje te odluke na Vijeću a Općina Kakanj bi bila garant za ta zaduženja fondom za zaštitu okoliša. Također je rekao da će tema o proširenju daljinskog grijanja biti finansijski bolna za građane koji imaju kotlovnice jer će morati plaćati penale za ugaj koji lože i da to zahtijeva prikupljanje podataka

o korisnicima kotlovnica, snazi kotlovnica i slično. Zatim je rekao da se rekonstrukcija postojećeg sistema grijanja radi parcijalno već dvije godine i da su to planovi za duži period.

Nakon diskusije predsjedavajući je rekao da amandmani od strane predlagača nisu prihvaćeni i objasnio način podnošenja i usvajanja amandmana a zatim je prijedlog Budžeta Općine Kakanj za 2018.godinu stavio na glasanje i isti je usvojen sa 23 gtlasa za, 4 glasa protiv i bez glasova uzdržanih.

Prijedlog odluke o izvršavanju Budžeta Općine Kakanj za 2018.godinu stavljen je na glasanje, nakon čega je usvojen sa 23 glasa za, 5 glasova protiv i bez glasova uzdržanih.

Tačka 4.

Prijedlog odluke o davanju saglasnosti za finansiranje sportske dvorane u Kaknju za 2018.godinu

Predlagač: općinski načelnik,

Obrađivač: Služba za finansije,

Izjavitelj: Džihad Berbić, pomoćnik općinskog načelnika

Općinski načelnik: je rekao da radovi na dvorani traju i da su za iste osigurana sredstva iz kantona u iznosu od 700.000 KM a da je procijenjena vrijednost objekta oko 1.500.000 KM i dodao da da bi prva faza projekta trebala biti realizovana do kraja 2017.godine. Također je rekao da je predloženi iznos naveden da se ne bi odugovlačilo sa izdvajanjem sredstava za radove dvorane a iznos koji se planira uvrstiti u Budžet 2019.godine je predložen zbog tendera, kao osnov za provođenje te procedure.

Nakon izjašnjavanja općinskog načelnika predsjedavajući je stavio prijedlog odluke o davanju saglasnosti za finansiranje sportske dvoarne u Kaknju za 2018.godinu na glasanje, nakon čega je ista usvojena sa 24 glasa za, 5 protiv i bez glasova uzdržanih.

Tačka 5.

Prijedlog okvirnog programa rada Općinskog vijeća za 2018.godinu

Predlagač: Kolegij Općinskog vijeća

Obrađivač: Stručna služba za poslove Općinskog vijeća

Izjavitelj: Slaven Katičić, predsjedavajući Općinskog vijeća

S obzirom da nije bilo prijavljenih za diskusiju predjedavajući je prijedlog okvirnog programa rada Općinskog vijeća za 2018.godinu stavio na glasanje te je isti usvojen sa 29 glasova za, bez glasova protiv i uzdržanih.

Tačka 6.

Prijedlog odluke o davanju prethodne saglasnosti za dodjelu koncesije privrednom subjektu JP „Elektroprivreda BiH“ ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj

Predlagač: općinski načelnik,

Obrađivač: Služba za privredu, urbanizam i zaštitu okoline i Služba za imovinskopravne, geodetske poslove i katastar nekretnina

Izjavitelj: Mirza Fazlić, pomoćnik općinskog načelnika,

Stav i mišljenje: Komisija za ljudska prava i ravnopravnost spolova, Komisija za ekologiju.

Mirza Fazlić: je rekao da je na prošloj sjednici Općinskog vijeća donesen zaključak o postojanju javnog interesa za davanje saglasnosti RMU Kakanj za dodjelu koncesije i da su Službe za privredu,urbanizam i zaštitu okoline i Služba za imovinskopravne, geodetske poslove i katastar nekretnina zadužene za provođenje javne rasprave i definisanje prijedloga odluke. Zatim je rekao da je nakon održane rasprave napravljen prijedlog odluke u kojem se nalaze amandmani, primjedbe i

sugestije u zakonskim okvirima te da se uz predloženu odluku može vidjeti i izvještaj sa provedene javne rasprave.

Ahmed Begić: je rekao da je iz sadržaja materijala vidljiva kolizija između pitanja postavljenih ZD RMU Kakanj i njihovih odgovora u pogledu izgradnje puta i upitao ko će izgraditi tu dionicu puta ističući kontradiktornost predložene odluke sa odgovorom ZD RMU Kakanj.

Nusret Muslić: je rekao da će klub DF-a podržati ovu odluku i skrenuo pažnju na član 3. koji sadrži nedavanje saglasnosti za proširenje eksploatacionog područja u području Mramora te sugerisao da je potrebno što prije inicirati izmjenu tog regulacionog plana Općine Kakanj kako bi se mogla dati saglasnost i za ovaj dio eksploatacionog područja.

Safet Šahman: je rekao da smatra da je predloženi akt urađen na najbolji mogući način i da ga kao takvog treba prihvatiti.

Općinski načelnik: je rekao da Ministarstvo za privredu ZDK traži saglasnost na koncesiju te da su dali preporuke kojih se treba pridržavati prilikom davanja stava i saglasnosti što se ispoštovalo a da dopis ZD RMU nema uticaja u postavljanju uslova Vijeća. Dodao je da će Ministarstvo dalje voditi računa o ovom pitanju jer su oni potpisnici ugovora o koncesiji te da će oni preuzeti odgovornost za eventualne probleme. Zatim je rekao da se o nekim drugim stvarima ne mogu sada postavljati uslovi što ne znači da neće ubuduće i da ovim aktom zapravo se otvara put za praćenje dalje eksploatacije uglja u Kakanju naglašavajući vijećnicima da su oni ti koji kreiraju tok nekih stvari kao što je ova eksploatacija. Dodao je i da će se u budućem periodu davati podrška preduzećima u njihovim radovima a da su oni ti koji trebaju imati sluha za potrebe građana.

Nakon diskusije predsjedavajući je prijedlog odluke o davanju prethodne saglasnosti za dodjelu koncesije privrednom subjektu JP „Elektroprivreda BiH“ ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj stavio na glasanje, nakon čega je isti jednoglasno usvojen sa 29 glasova, bez glasova protiv i uzdržanih.

Na prijedlog kluba SDA uslijedila je pauza u radu Vijeća u trajanju od 1 h i 15'.

Tačka 7.

Prijedlog odluke o vrijednosti boda naknade za korištenje gradskog građevinskog zemljišta u 2018.godini

Tačka 8.

Prijedlog odluke o vrijednosti boda komunalne naknade u 2018.godini

Predlagač: općinski načelnik

Obrađivač: Zavod za planiranje i izgradnju Općine Kakanj

Izjavitelj: Zijad Neimarlija, direktor Zavoda

Kako nije bilo prijavljenih za diskusiju predsjedavajući je stavio na glasanje prijedlog odluke o vrijednosti boda naknade za korištenje gradskog građevinskog zemljišta u 2018. godinu te je isti usvojen sa 24 glasa za, bez glasova protiv i uzdržanih.

Zatim je prijedlog odluke o vrijednosti boda komunalne naknade u 2018.godini stavljen na glasanje i usvojen sa 25 glasova za, bez glasova protiv i uzdržanih.

Tačka 9.

Prijedlog odluke o izmjenama i dopunama Odluke o stipendiranju učenika sa područja općine Kakanj

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika

Stav i mišljenje: Komisija za ljudska prava i ravnopravnost spolova, Komisija za mlade

Rešad Zaimović: je rekao da je ova tačka dnevnog reda bila na prošloj sjednici Vijeća i da su doneseni zaključci da Služba za društvene djelatnosti u saradnji sa Komisijom za mlade doradi prijedlog akta i uzme u obzir sve primjedbe vijećnika sa diskusije od prošle sjednice što je i učinjeno. Zatim je predložio da se ovako predložena odluka usvoji

Elvedin Delić: je upitao zašto su Bošnjaci, Hrvati i Srbi ugroženi u odnosu na Rome jer se u članu 13. navode privilegije za iste u smislu dobijanja stipendije bez bodovanja te tražio objašnjenje za tačku g) u članu 7. Zatim je predložio da se u članu 11. doda stavka „učenici koji pohađaju srednju školu u drugom gradu jer tog smijera nema u našoj Općini“ i da se takvim učenicima prilikom bodovanja doda 10 bodova po ovom osnovu.

Slaven Katičić: je sugerisao da se trebaju tretirati članovi koji su predloženi za izmjene i dopune a ne ostali članovi izvorne Odluke o stipendiranju učenika.

Mujo Fafulić: je rekao da se slaže da postoji ugroženost građana na području općine Kakanj navodeći da je navedenom Odlukom prvi put data privilegija romskoj populaciji s razlogom podsticaja obrazovanja te populacije. Zatim je dodao da uzimajući u obzir sve druge okolnosti, romska zajednica na području općine Kakanj ne doseže ni 1% zaposlenosti u odnosu na Bošnjake, Hrvate i Srbe. Također je rekao da je ovo prilika za integraciju i obrazovanje romske populacije.

Elvedin Delić: je rekao da nije protiv obrazovanja Roma ali da mu nije jasno zašto u navedenoj stavci nije data mogućnost još nekim osobama za dobijanje stipendije bez bodovanja.

Rešad Zaimović: je objasnio tačku g) u članu 7. koje prihode i doprinose obuhvata te da je članom 3. Odluke navedeno koji učenici, osim Roma, mogu ostvariti pravo na stipendiju bez bodovanja.

Nakon diskusije predsjedavajući je prijedlog odluke o izmjenama i dopunama Odluke o stipendiranju učenika sa područja općine Kakanj stavio na glasanje te je isti usvojen sa 25 glasova za, 1 glasom protiv i bez glasova uzdržanih.

Tačka 10.

Prijedlog odluke o izmjenama i dopunama Odluke o stipendiranju studenata sa područja općine Kakanj

Predlagač: općinski načelnik,

Obrađivač: Služba za društvene djelatnosti, boračko-invalidsku zaštitu, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika

Stav i mišljenje: Komisija za ljudska prava i ravnopravnost spolova, Komisija za mlade

Rešad Zaimović: je pročitao primjedbe Vijećnika za izmjene i dopune Odluke o stipendiranju studenata te pročitao novi prijedlog odluke. Objasnio je da se tačka g) u članu 6. ne može brisati jer bi došlo do poremećaja u strukturi korisnika stipendije, zatim da je primjedba, o obavezi studenata koji dobiju stipendiju po osnovu netačne dokumentacije vraćanje iznosa koji su dobili, uvrštena u prijedlog odluke. Zatim je rekao da su od Zavoda za zapošljavanje tražili spisak deficitarnih zanimanja te da je na osnovu toga vršeno opredjeljenje i pročitao je spisak navedenog spiska. Dodao je da će se svake godine tražiti takav spisak prije bodovanja prijavljenih studenata. Također je rekao da je Komisija za mlade također saglasna sa navedenim izmjenama.

Senad Alajbegović: je rekao da će klub SDA podržati prijedlog ove odluke uz prijedlog dodavanja tačke f) u članu 12. koja bi trebala glasniti: „od 301 i više KM – 0 bodova“.

Rešad Zaimović: je rekao da se navedeni prijedlog može prihvatiti i da se u članu 6. osnovne odluke tačka g) mijenja i glasi: „*studenti koji su u radnom odnosu*“, a u članu 12. stav 1. se dodaje tačka f) koja glasi: „*od 301 i više KM – 0 bodova*“.

Nakon diskusije predsjedavajući je prijedlog odluke o izmjenama i dopunama Odluke o stipendiranju studenata sa područja općine Kakanj stavio na glasanje te je isti usvojen jednoglasno sa 25 glasova za, bez glasova protiv i uzdržanih.

Tačka 11.

Nacrt odluke o izgradnji, upravljanju, korištenju, zaštiti i održavanju mjesnih vodovoda na području općine Kakanj

Predlagač: općinski načelnik

Obrađivač: Komisija za izradu odluke o izgradnji, upravljanju, korištenju, zaštiti i održavanju mjesnih vodovoda na području općine Kakanj

Izviestilac: Samir Kulović, predsjednik Komisije

Pošto nije bilo prijavljenih za diskusiju predsjedavajući je nacrt odluke o izgradnji, upravljanju, korištenju, zaštiti i održavanju mjesnih vodovoda na području općine Kakanj uz zaključak o organiziranju javne rasprave stavio na glasanje, nakon čega je isti usvojen sa 25 glasova za, bez glasova protiv i uzdržanih.

Tačka 12.

Prijedlog odluke o davanju saglasnosti na Pravilnik o formiranju cijena usluga u JU za predškolski odgoj i obrazovanje „Mladost“ Kakanj

Tačka 13.

Prijedlog odluke o davanju saglasnosti na Pravilnik o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj

Predlagač: UO JU „Mladost“ Kakanj,

Obrađivač: UO JU „Mladost“ Kakanj,

Izviestilac: Helmina Murtić, direktorica JU i Mirsada Čaluk, predsjednica privremenog UO JU

Stav i mišljenje: Komisija za ljudska prava i ravnopravnost spolova

Helmina Murtić: je rekla da cijena usluga po novom Pravilniku obuhvata ishranu i materijal za didaktički igrovni materijal i da je po ovom pitanju provedena javna rasprava sa ne baš pozitivnim reakcijama. Također je rekla da bi usvajanjem ovog pravilnika došlo do otvaranja novih vrtića i samim tim novih zapošljavanja te da bi veći broj djece bio obuhvaćen predškolskim odgojem i obrazovanjem. Zatim je navela da usvajanje Pravilnika o formiranju cijena usluga u JU za predškolski odgoj i obrazovanje isključuje Pravilnik o kriterijima za finansiranje predškolskog odgoja i obrazovanja u ovoj JU. Istakla je i da bi usvajanjem navedenog Općina Kakanj bila prva koja bi ispoštovala pozitivne zakonske norme za razvoj predškolskog odgoja i obrazovanja.

Sedmedin Amidić: je rekao da će klub DF-a podržati ovaj prijedlog ali da se ne slaže sa stavkom u Pravilniku o kriterijima za finansiranje predškolskog odgoja i obrazovanja kojim je regulisano da se plaćanje usluga obračunava po iznosima primanja roditelja i istakao da ne bi trebali roditelji koji imaju veća primanja plaćati te usluge socijalnim slučajevima jer za to postoje druge ustanove kao što je Centar za socijalni rad.

Eldin Mijoč: je rekao da poduzimanje prvih koraka u nekim stvarima nekad ide u pogrešnom pravcu te da nije toliko bitno biti u nečemu prvi. Sugerisao je na dopunu u Pravilniku poslije navođenja cijene da se zna na koji period se odnosi, mjesečno, sedmično i slično. Zatim je iskazao zabrinutost o realizaciji prijema djece u obdanište s obzirom na novu cijenu jer će biti veći broj upisa i dodao da nije uredu da u situaciji gdje rade oba roditelja plaćaju ovu cijenu te kakav će to odraz imati na druga obdaništa sa većim cijenama usluga.

Slaven Katičić: je rekao da su oba Pravilnika u dijelu navođenja cijena nerealna te je naveo određena odstupanja Pravilnika od Okvirnog zakona o predškolskom odgoju i obrazovanju koji u članu 8. navodi da predškolske ustanove formiraju nadležne obrazovne vlasti. U vezi navedenog dodao je da ovu javnu predškolsku ustanovu osniva Vijeće a ono nije nadležna obrazovna vlast i da

je to u nadležnosti kantona koji je u dijelu finansiranja istog prenio nadležnost na općinu. Također je rekao da pri odlučivanju o navedenim tačkama treba pronaći najbolju mjeru.

Općinski načelnik: je rekao da je ovaj Okvirni zakon o predškolskom odgoju i obrazovanju kojeg su donijeli najviši nivoi vlasti neprincipijelan te da je ukinuo mjere davno. U formulaciji navedenog zakona rekao je da se između ostalog navodi sufinansiranje obaveznog kao i neobaveznog predškolskog odgoja od strane države te da bi trebalo inicirati njegove izmjene. Dodao je i da je pogrešno reći da bi roditelji sa boljim finansijskim primanjima plaćali usluge ovakvih javnih ustanova djeci lošeg socijalnog stanja jer i jednim i drugim država sufinansira određen iznos te da je ovakva cijena, 50KM mjesečno, podsticaj za natalitet za roditelje slabijeg imovnog stanja. Također je rekao da će se usvajanjem nove cijene obdaništa ispoštovati zakonske norme koje jasno definišu koji dio usluge plaćaju roditelji te da će u konačnici doći do otvaranja novih obdaništa, državnih i javnih, čime će se velikom broju djece omogućiti pohađanje predškolske nastave. Što se tiče kriterija za prijem djece u obdanište rekao je da će iste donijeti Nadzorni odbor JU a da će Općina Kakanj pratiti poštivanje istih.

Nakon diskusije predsjedavajući je prijedlog odluke o davanju saglasnosti na Pravilnik o formiranju cijena usluga u JU za predškolski odgoj i obrazovanje stavio na glasanje i isti je usvojen jednoglasno sa 26 glasova za. Nakon toga na glasanje je stavljen prijedlog odluke o davanju saglasnosti na Pravilnik o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj koji nije dobio većinu sa 1 glasom za, 13 protiv i 11 uzdržanih.

Tačka 14.

Prijedlog odluke o davanju saglasnosti za imenovanje direktora JU Centar za socijalni rad Kakanj

Predlagač: UO JU Centar za socijalni rad Kakanj

Obrađivač: UO JU Centar za socijalni rad Kakanj

Izviestilac: Mehmedalija Velispahić, predsjednik UO JU Centar za socijalni rad Kakanj

Mehmedalija Velispahić: je rekao da je direktoru Centra za socijalni rad istekao mandat te da je Upravni odbor raspisao konkurs za to mjesto i na isti su se prijavila 3 (tri) kandidata. Zatim je dodao da je u skladu sa Zakonom o ministarskim, vladinim i drugim imenovanjima provedena konkursna procedura te da po mišljenu Upravnog odbora najbolje reference ima Ajdinović Fakir za čije ponovno imenovanje je neophodna saglasnost osnivača i da istu očekuju.

Nakon izlaganja izvjestioca, pošto nije bilo prijavljenih za diskusiju, predsjedavajući je prijedlog odluke o davanju saglasnosti za imenovanje direktora JU Centar za socijalni rad Kakanj stavio na glasanje i data je saglasnost na imenovanje direktora sa 24 glasa za, bez glasova protiv i uzdržanih.

Tačka 15.

Prijedlog rješenja o utvrđivanju prava vlasništva u korist Alajbegović Salema i Mujanović Amera iz Kaknja

Predlagač: općinski načelnik

Obrađivač: Služba za imovinskopravne, geodetske poslove i katastar nekretnina

Izviestilac: Nurčo Kurtović, pomoćnik općinskog načelnika

Kako nije bilo prijavljenih za diskusiju predsjedavajući je prijedlog rješenja o utvrđivanju prava vlasništva u korist Alajbegović Salema i Mujanović Amera iz Kaknja dao na glasanje te je isti usvojen jednoglasno sa 24 glasa za, bez glasova protiv i uzdržanih.

Tačka 16.

Izveštaj o radu Komisije za provođenje javnog nadmetanja- licitacije pri prodaji nekretnina- poslovnih prostora i garaža u vlasništvu Općine Kakanj sa prijedlogom zaključka o utvrđivanju visine naknade članovima Komisije.

Predlagač: Komisija za provođenje javnog nadmetanja- licitacije pri prodaji nekretnina- poslovnih prostora i garaža u vlasništvu Općine Kakanj

Obrađivač: Komisija za provođenje javnog nadmetanja- licitacije pri prodaji nekretnina- poslovnih prostora i garaža u vlasništvu Općine Kakanj

S obzirom da nije bilo prijavljenih za diskusiju predsjedavajući je Izveštaj o radu Komisije za provođenje javnog nadmetanja- licitacije pri prodaji nekretnina- poslovnih prostora i garaža u vlasništvu Općine Kakanj sa prijedlogom zaključka o utvrđivanju visine naknade članovima Komisije i isti je usvojen sa 20 glasova za, 2 glasa protiv i 1 uzdržan.

Predsjedavajući se zahvalio svim prisutnim i sa čestitkom za nastupajuću Novu godinu građanstvu i pravoslavni Božić zaključio rad 15. redovne sjednice Općinskoga vijeća.

Sjednica je završena u 14:51h.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVALJUĆI
OPĆINSKOG VIJEĆA**
Slaven Katičić